

四庫全書

集部

欽定四庫全書

集部

元詩選初集卷六十七

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣周本忠

欽定四庫全書

元詩選初集卷六十七

庶吉士顧嗣立編

筠溪老衲圓至

圓至字天隱別號牧潛高安姚氏子少習舉子業去為浮屠得法于仰山欽禪師駐錫建昌之能仁所著有筠溪牧潛集方虛谷為之序天目洪喬祖題其後曰天隱遠權要避名譽徧歷荆襄吳越積覽觀之富益靜定之光二三千言

經目輒記故其為文贍以奧其詩雖所存不多
而風骨自見如送才上人往湖南云竹枯湘淚
盡花發楚魂香富塘云亦供貧者樂獨以富為
名寄志勝上人云瘴月人南去花時鴈北飛弘
秀集中不多得也

重登牛頭峰

霜葉黃蝶飛崖泉白蛇挂行行尋故迹往物已屢化高
步萬石上獨立一本下悠然顧吾影殘日在林罅古來

遺世士泯觀混真假所視既已齊乘險意亦暇智愚相
與奪得失紛代謝吾欲營力耕穿巖樹茅舍

雪

窗鳴風片亂溜凍冰條直夜久忽無聲傍簷時浙瀝青
薪焰方吐紅燈花欲滴閉閣有餘溫蒙衾兀重席

送勤滅宗

出家旅殊鄉同里為骨肉況乃情所厚而茲忽分躅清
霜彫廣野露立凍羣木日莫行子身谿谷映餐宿吾聞

含德者凝視養玄矚疾進氣雖銳久踐途乃熟歲晏能
復來青燈共寒屋

贈王龍曾道士畫龍頭

乖龍逃雨走急落西山陬縮入畫仙筆雷公不能搜畫
仙有墨池尺水涵十洲俗龍作玄骨騎入塵寰遊我求
寫龍真畫仙許我否形全恐飛去為君且畫頭

次韻陪星子胡主簿遊報先寺

木棲與淵蟠所性各有適顧余丘壑戀大藥不醫癖青

山亦可人乍見如素識森然一窗下獻此萬丈碧簿領
三秦英軒昂謝塵迹壯齡已疊組舊閤况列戟潔身粉
黛側僧榻羣面壁國鼎筆可扛天機錦自織停驂偶相
值顧問借顏色東風吹芳原衆卉競春日遠郊農餉起
煙屋香芋栗牛鳴雨隴寒釋耒泥濺膝良時一遊豫能
不念民疾二宮山水窟屢鉢恬食息含羞目嶄絕詎意
陪履屐終期凌蒼巔一視空八極

送建昌黃綺秀才踰淮教授

還山羞聽紫芝歌
旅館千門講四科
絳帳未懸知己少
黑裘漸敝閱人多
秋風白下沾巾別
落日青淮照影過
莫對飯盤嗔苜蓿
桑榆雖暖易蹉跎

義塚斜

城闕千棺瘞此斜
古堆新穴滿平畬
春叢亂哭鰥寡鳥
雨樹雜開嘒笑花
散骨已枯苔作肉
癡魂猶認土為家
何人薄莫焚錢去
風卷殘灰滿柘丫

次韻答許府判見嘲詩癖之什

君不見蓬萊仙人五雲深興來忽起塵寰心手拈造化
作一劇世上瓦礫皆黃金又不見珠宮靈娥睡新起賽
喫雲漿賭骰子驀然發笑成電光不料陰陽噓頰齒道
人文章亦如斯落筆心手不相知豈如曲士拾蠹紙堯
桀滿腹堆羣疑願君閉口毗耶室竺貝孔韋皆長物著
鞭捷出靈運前莫鬪生天鬪成佛

雪後荆林道中

冷風寒柳閉千門柳外唳鴉聚晚羣殘日暉暉烘雪氣

徘徊半嶺作晴雲

小汊

麻骨燈明竹壁疎
更深人語在茅廬
開蓬緣岸去沽酒
點火撥船來賣魚

胡盧

胡盧河畔洗羶裘
日日花香滿水流
嫁得夫郎愛官職
去隨太子取交州

吳王廟

吳王廟近水邊山壁上雕青鬼臂蠻白日鑪中煙色變
散成雲氣滿人間

送宗岳歸青蓮

布囊詩幾卷歸計亦淒涼不惜經時別應知聚日長石
峰蒸玉氣井水浸蓮香曾許為鄰寺招余住竹房

逢故人

共看咸淳上苑花錦牋綠句敵春華白頭相見鍾陵市
我亦如君未有家

元夕觀傀儡

錦襠叢裏鬪腰支
記得京城此夕時
一曲太平錢舞罷
六街人唱看燈詞

芳塘

芳塘雨霽綠初肥
折得青條串露歸
一樹殘花喧鬪雀
紅香滿徑撲人飛

寄思以仁

風柳青青條葉新
別愁江畔又逢春
交情似我如君少

一度相逢勝故人

白雲上人英

英字實存錢塘人唐詩人厲玄之後也素有能
詩名歷走閩海江淮燕汴一日登徑山聞鐘聲
有省遂弃官為浮屠結茅天目山中數年徧參
諸方有道尊宿皆印可之故其詩有超然出世
閒趣別號白雲即以名其詩集年嗽翁趙松雪
胡長孺林石田趙春洲輩皆為之序云

對山曲

青山作賓翁作主
山翁持觴山鶴舞
山翁對山傾綠醕
青山對翁默無語
山本無情翁無心
青山不飲翁自斟
酒闌對山撫掌笑
山鶴一聲山月沈

秋夜曲

西風不起凝空碧
霜花霏霏炯秋色
層霄輾上玉一輪
竹影參差光欲滴
洞房深寂湘簾寒
夢回孤枕疎漏傳
鴈聲低度吳天遠
素壁青燈瑤穗斷
隔雲聽徹五更鐘

鴛鴦屏冷初日紅

陌上花

江南三月芳菲菲雜花生樹鴛鴦飛美人一去幾斜暉
城郭空在人民非山河滿目草離離留得歌聲落翠微
猶自叮嚀緩緩歸

絕句

正月梅花落二月桃花紅榮枯元有數不必怨東風

寄蘭壑宗長

同宗同在旅彼此繫微官所去無多遠其如相見難連
雲秋樹老卷雪暮濤寒幾度空江上思君獨凭闌

客夜有感

十載紅塵海漂流笑此身山川孤館夜風雨獨眠人嗜
茗真成癖工詩不療貧還家須及早垂白有雙親

維揚春暮

煙籠柳影老鶯啼雨濕芹香乳燕飛二十四橋春又盡
江南詞客正思歸

夏晚泛湖

楊柳陰中艤小船
菱荷香裏聳吟肩
雷聲驚起雲頭雨
塔影倒搖波底天
羣鷺遠明殘照外
一僧閒立斷橋邊
菱歌裊裊知何處
滿袖清風骨欲仙

宿睦州祖師庵

庵依兜率寺小憩
俗心灰竹密暑不到
窻虛風自來
山昏飛鶴下
磬斷定僧回
拂拭殘碑看
年深厚綠苔

倪秀才歸越

君歸何處所迢遞浙江東千里故人別一尊今夜同客
愁燈影外蛩語月明中潮水將離思茫茫逐去篷

湖上晚步

畫橈歸去歇笙簫水影山光共寂寥一叟相逢雙鬢雪
向人猶自話前朝

重游淨慈憶沅禪師

慧日峰前閣重來百感增空存黃面老不見白頭僧道
場書猶在埋銘刻未曾有詩行已久何必上傳燈

客夜憶傅森

深夜相思流水邊
情懷堪恨復堪憐
雲山千里書不到
風雨一樓人獨眠
蛩帶秋聲吟壁下
鼠窺燈影出窻前
去年記得西湖上
醉倒荷花香滿船

廢寺

白晝閒房一兩僧
山門深掩蘚花青
西風不管鐘魚破
自在斜陽語塔鈴

山中景

六月山深處松風冷襲衣遙知城市裏撲面火塵飛

徑山夜坐聞鐘

涼氣生毛骨天高露滿空二三十年事一百八聲鐘絕
頂人不到此心誰與同凭闌發孤嘯宿鳥起長松

山中二絕

一聲山鳥啼幽夢忽喚醒起來開竹扉日上中峰頂
窻前瀑布寒林外夕陽薄清風何處來撲撲松花落

寄祖雍上人

破衲卷秋雲入山深更深似聞營梵剎應不礙禪心寒
瀑瀉蒼壁晚花生古林遙思明月夜誰聽潁師琴

勝禪人遊廬山

飄然廬嶽去破衲共枯藤此地山林勝令人肌骨清蓮
開千柄雪瀑挂一條冰五老如相見煩君為寄聲

寄劉仲鼎山長

我已浮屠隱君仍冷掾遊向人空說項何地可依劉風
雨殘燈夢關河落木秋近聞吟更苦應是雪盈頭

家則堂大參南歸

故國衣裳已變遷，靈光此際獨依然。
一身幽薊三千里，兩鬢風霜十九年。
歸去午橋非舊日，夢飛秋塞隔遙天。
江南遺老如公少，青史名高萬古傳。

梁秀才南歸

交情方脫畧，忽爾話歸期。
萍水相逢處，梅花欲寄時。
蠅多投店懶，馬瘦到家遲。
去去西湖上，春風柳未絲。

雲屋闕善住

善住字無住別號雲屋吳郡僧也

闕

嘗居郡城之報恩寺往來吳淞江上與仇山
村宋子虛諸人相倡和山村贈詩曰閭門北去
山如畫有日同師步翠微其相契可知也所著
谷響集近體詩若干首子虛有答無住師見寄
詩云句妙唐風在心空漢月明即此可以評定
其詩矣

送人還山

偶隨流水出閒趁白雲歸步石苔侵屐攀松露滴衣

春興

冉冉春將莫悠悠日欲殘東風特地惡不道杏花寒

西齋秋夜

晚雨過江城西齋秋氣清夢回孤枕上無處不蟲聲

秋夕

孤館燈初暗虛窻月正明寒衣猶未補風遞擣砧聲

早行

拂曙駕柔櫓溪山行幾重雲昏不見寺依約但聞鐘

雨後

小園春雨後碧草弄輕寒花片無煩掃新泥尚未乾

冬夕

繁草霜嚴綠減疏星雲盡光寒城頭一聲畫角月落烏啼夜闌

福嚴即事

村邊幾株紅樹屋外四面青山終日無人能到孤雲薄

莫飛還

寄西峯隱者

煙雲出沒弄晴碧中有幽人抱禪寂
夜半巖間風雨來
松花吹滿蒼苔石

己未夏日雜興四首

深紅淡白已隨塵斜雨橫風送却春池上偶來閒照影
霜花吹入鬢毛新

落盡紅芳見綠陰小橋流水雨餘深
市樓橫笛誰家子

吹得殘陽下遠岑

纖纖碧草與堦齊
濃綠陰中杜宇啼
花院書長聽政好
帶聲飛過粉牆西

中庭日午橘花開
蜂蝶何知故故來
一陣南薰生殿角
亂飄香雪點蒼苔

春興二首

朔鴈初歸花欲妍
江雲澹澹晚晴天
因思翦燭山窻夜
香燼雕盤尚未眠

三月江南春日長
柳陰庭院午風涼
離懷漠漠深於海
燕子飛來語畫梁

感舊

風雨蕭蕭送暮春
百花開盡草如茵
畫梁塵鎖簾垂地
燕子歸來不見人

過林逸人次韻巖栖翁

花邊曾醉少年春
白首相過不厭貧
近說漢家徵詔急
西山猶有卧雲人

晚興

浮圖寒聳碧崔嵬
煙雨冥濛晚不開
深殿已燈門欲閉
松頭巢鶴未歸來

陽山道中二首

并序

泰定甲子二月初九日予與友人圖大虎遊陽
山北阜過尊相寺聞有禪者縛屋峯頂遂捫蘿
而上至雲泉亭屏而飲焉甘涼可啜得禪者於
石室中為予相勞苦煮茗為供既而語次殘陽

已挂樹梢矣因以二絕紀之

一掬雲泉漱齒涼
小亭幽絕背山陽
道人自鄉峯頭住
閉戶不知春日長

雨餘春澗水爭分
野雉雙飛過古墳
眼見人家住深鵝
梅花繞屋不開門

夜思

夢鵲驚飛叫不休
聲聲還繞舊枝頭
牆東一片梨花月
又逐笙歌上水樓

寄巖栖翁

霜髭碧眼老頭陀
陋巷曾經幾度過
連月不來城裏住
只緣城外好山多

聞角

曉角吹霜海月斜
一聲幽夢斷天涯
自非貫作沙場客
誰鄉風前不憶家

感事

覆雨翻雲事可哀
交情誰是舊陳雷
夕陽滿地無人見

獨立風前看落梅

送人之金陵

清遊莫憚路歧賒
但有雲山即是家
此去鳳臺明月夜
西風腸斷後庭花

宿報恩寺

淒涼塔廟幾經春
往事重思跡已陳
夜半夢回禪榻上
不知曾是寺中人

夏日即事

庭樹森沈晚色濃
修修寒雨滿疏鐘
白雲一片歸飛急
知宿城南若箇峰

次韻山村先生二首

綠楊深處畫橋橫
風掠平湖碧浪生
待得笙歌城郭去
芡袍筇竹自閒行

驛亭楓樹著霜紅
天際冥冥見斷鴻
隔岸遠山青更好
澹煙斜日值秋風

莫春雜興五首

野水浮來半落紅不須惆悵怨東風
春歸畢竟歸何處
還在溪光柳影中

門掩東風柳色深
莫寒脈脈透衣襟
春天最是無憑準
一日才晴一日陰

雨入孤城草木新
香紅半逐馬蹄塵
却憐杜宇無情甚
不解迎春祇送春

春光欲老綠陰寒
稚筍攪空已作竿
無限好山都不見
亂雲斜雨滿闌干

紅藥花開春欲歸
綠楊陰暗燕爭飛
晚來一陣東風雨
又送餘寒上客衣

萬里江山圖

巴水沄沄巴峽青
月明客淚墮猿聲
眼中已識瞿唐路
剩水殘山懶問名

秋興

幾夜西風葉滿苔
燕巢空在鏤塵埃
秋歸莫折黃花贈
逗到明年又再來

春日雜興二首

野塘風緊漲漣漪桃李春寒發尚遲
山色晚晴青不了倚筇忘却立多時

湘雲碎翦作春衣步入青山映夕暉
我已無心事戲獵野禽何事亦驚飛

冬日偶成

清霜欲重小春天楊柳蕭疎帶曉煙
無奈東皇苦多事又傳春信到梅邊

感舊

綠楊蕭瑟颭秋風
客去門間酒盞空
夜半月明生綺席
不知誰在畫樓中

莫春雜興

滿地桴陰野水新
粉牆額額有凝塵
一雙戲蝶來書幌
猶繞殘花覓舊春

春杪登蘇臺

獨上高臺小凭闌
荒城寂歷水雲寬
連天芳草雨初霽

滿地落花春又殘，白髮不生還。亦老青山無事，且須看。
吳王伯業消磨盡，江鳥呼風野樹寒。

舟次盤門過無礙院

蓬窗兀坐聽鳴蟬，滿目陰雲欲雨天。山隔壞城縣落日，
樹連荒驛帶蒼煙。臨流石馬何年墓，種竹人家有釣船。
至老相尋能幾度，更揮青蓋訪林泉。

贈日本僧

鯨波渺渺接遙空，今古由來一葦通。斗柄夜懸常辨北，

日輪朝湧始知東車書既混文無異爵服才分語不同
鄉路眼中應已熟好攜包笠扣玄宗

送日上人還吳淞

秋雲秋水兩悠悠白首何堪動別愁代嶺月明寒鴈過
楚江木落晚禾收夫差既賜申胥劍勾踐難回范蠡舟
今古興亡無限事願因歸路問沙鷗

送人還山

茅茨拋在翠微間即粟橫肩又獨還松樹別來巢鶴大

銅瓶歸去蟄龍閒西風黃葉埋寒徑落日青猿叫亂山
後夜月明誰是伴枕前飛瀑響潺潺

送人入杭尋弟及謁山村先生

之子難忘骨肉情遠尋仲弟入杭城好山半鄉舟中看
佳句多於枕上成驛路牛羊歸暮色江橋鼓角動秋聲
端淳耆舊今無幾為問湖邊老淨名

與無照莫出西郊

閭闔城邊煙草昏自攜禪侶過孤村陰雲垂地鳥歸樹

寒色滿空人閉門山徑雨餘留虎跡野塘秋盡露潮痕
一聲牧笛前峯起回首殘陽欲斷魂

過石湖

十月吳皋霜露零田家收稻滿柴扃湖中浪擁銀花白
天末山橫螺髻青寒色亂雅飛笠澤夕陽衰柳並旗亭
何時覓得清遊伴更買扁舟過洞庭

登報恩寺閣

高閣閒登四望寬青山極目倚雲端水村漠漠連天遠

壠樹沈沈帶雨寒
罷馬嘶風春草徧
倦鴉歸堞夕陽殘
宣知大道平如掌
今古人間行路難

送人之金陵

歌罷陽關酒一杯
扁舟欲上更裴回
舒王舊院為僧寺
後主遺宮化劫灰
北固山頭春雨過
西津渡口暮潮回
心閒在處堪為客
遮莫天涯杜宇催

舟次江亭

歸思悠悠極渺冥
暫維舟楫並長亭
春江水暖蒲牙白

野岸煙銷柳眼青鳴犢帶聲登廢壠征鴻和影度遙汀
不知何處吹桐角獨立天涯淚欲零

月夜四首

明河如練月如弓涼葉蕭蕭下遠空水國正秋無過鴈
苔堦終夕有鳴蟲故人自隔關河外往信猶存篋笥中
一盞青燈伴孤寂夢回吹殺破窻風

漸老襟懷豈易寬強將詩句散愁端黃花開後重陽近
白髮生來萬事難月老獨眠松館靜晚天清坐竹窻寒

暗塵鎖斷青琴索指甲雖存莫可彈

鴈聲吹落五雲間帶月柴扉夜未關寒氣僅傷凡草木
秋風難老舊河山孔賓好學非求隱元亮休官為愛閒
今古一株天上桂近來聞說有人攀

陰蟲切切嘯秋露涼月娟娟照夕風鸞鳳幾曾栖枳棘
鴟鴞多是占梧桐人皆酤酒追陶令我獨栽蓮學遠公
堪笑當年槐國夢黃粱未熟已成空

京口

車聲軋軋輾紅埃北馬南颿日夕來
淮甸雪銷江水漲海門月上楚天開
堤邊行飯多遲柳野外尋詩不見梅
會散金山即歸去春風催我上琴臺

次韻山村先生二首

巖陵臺下水潺湲漠漠高風去不還
處士隱廬遺路側永公書甕出松間
山田瘠瘠民生儉郡邑蕭條吏事閒
幾欲清遊身未遂煙霞盤礴鬢毛斑

定起空山尚有星悲笳杳杳上青冥
壁間燈暗鴉啼樹

池上月涼魚闌萍文錦薦裊風字斫綵繩穿夾梵書經
舌端解使天華墜爭侶無言對翠屏

春日錢塘阻雨奉寄山村先生

客窗燈暗曙鐘殘泥潦從衡路未乾滿目雲山留我好
一樓風雨見君難湖邊雪盡梅應早吳下春遲麥尚寒
南渡耆英久寥落豈知猶有故衣冠

如鏡師翦竹四竿植為蒲桃架其一適活要予賦
詩遂作以塞請云

蒼筤翦得出遙林架就危棚近壁陰柔蔓未垂珠落落
短梢先挺碧沈沈月明亂影翻秋几露冷清聲入夜琴
養取閒門表孤直莫教容易俗塵侵

子虛以湘竹杖惠予兼貺以詩遂依韻答之

頌得山人古竹筇節間銷盡淚痕紅化龍定躍蒼波裏
伴鶴還騰碧漢中踰步安危存用舍百年前却付窮通
相應海國歸來日繫鄉船頭取便風

漁父

夕陽波上釣絲輕風入蒹葭窸窣鳴辭劍為憐逋客難
鼓撓曾笑逐臣清數聲竹笛湘江濶一帽山花白髮明
南北去來人自老幾多空抱羨魚情

經故人所居

桃花灼灼柳依依院落荒涼晝掩扉石沿水乾魚逝久
杏梁巢覆燕來稀隴頭未說人澆酒世上先傳客賣衣
欲對東風寫離恨郡譙吹角暮雲飛

落梅

晴雪霏霏灑砌苔
浪蜂欲去更徘徊
空傳淡影浮歌扇
不送寒香入酒杯
隴首故人千里隔
江南驛使幾時回
翠禽莫怨高樓笛
一度春風一度開

春晚

矮窻日月無今古
閉戶爭知春去來
清鏡靜臨多白髮
好花閒看半蒼苔
鼉傳鼓吹池塘雨
茶展槍旗澗壑雷
海燕未回寒尚在
暮雲重疊鎖崔嵬

苦雨

積潦橫流路不分
滿空煙靄暗朝昏
烏鳶跼跼荒園
風雨瀟瀟失遠村
芻米賈騰愁白屋
管絃聲沸醉朱門
無言桃李參差放
侶怯春寒欲斷魂

遣興二首

五十雖賒病見侵
閉門終日少相尋
春鷺漫逞千般語
老驥終存萬里心
花繞竹房紅作陣
柳垂莎徑翠成陰
江南三月清明後
便有蛙聲聒夜深

身前萬事若浮塵
過眼從衡日日新
蛙黽得時多意氣

鯢鯨失水少精神
青山古木丘園晚
白鳥蒼煙浦溆春
回首吳淞興無限
島頭新漲綠粼粼

自陽山歸舟中作

小麥青青大麥黃
澗松風急夜聲長
屨穿細路春泥滑
花落清渠野水香
嶺上獨留雲作蓋
村邊多見石為梁
楓橋寺轉閭門近
回首西山已夕陽

無照林亭

累土崇丘作小亭
手栽花木滿林坵
郡中高樹已全綠

屋外遠山才半青，過眼榮枯荒圃草。
到頭聚散野池萍，餘生但願身長健。
杖策時來對翠屏。

贈叔恭

負笈擔簦計已灰，歸來蕭寺掩莓苔。
呼猿別磴曾拋果，放鶴他山得看梅。
樵徑雪晴芒屨出，江橋風熟布帆開。
反思身外無窮事，不直窻間水一盃。

山中

寂寥空谷久相容，行道何須向別峯。
山腹引泉因煮茗，

嶺頭乘雨為我松倚天傑閣巢靈鶴徹海澄潭卧毒龍
樵客豈能知住處草堂終日白雲封

秋居

栖遲寄窮巷不異住荒村寒草生枯樹秋苔上敗垣衆
山皆繞郭一水獨當門抱甕非吾事秉閒學灌園

秋日野望

寂歷村橋畔夷猶野望時路長征騎疾風定去馬遲城
晚牛羊下天秋草木衰數聲何處笛渺渺隔煙吹

贈隱者

生無軒冕志老不釋漁竿對食慚周粟紉衣尚楚蘭江
城猶雨雪花柳政春寒窮達皆由命初非行路難

鄧隱君牧

標格類孤鶴翩然獨往還彈琴坐白石把酒看青山鬚
鬢經年改身心竟日間料知塵世事無復得相關

送人之冷泉

茲游無伴侶遠樹獨依依日落征帆急天寒過客稀斷

雲隨竹錫殘雪照麻衣應渡西湖去聞鐘入翠微

荆軻

壯氣千牛斗孤懷凜雪霜只知酬太子不道負田光易
水悲歌歇秦庭俠骨香千金求匕首身後竟茫茫

楊花

池塘春欲莫散漫復霏微未得為萍去先求作雪飛帶
泥粘燕觜和雨點人衣鄉晚東風急飄零無所歸

送白雲之鄞

澤國東南郡迢迢接會稽人煙逢海斷山木與雲齊夜
汲分波月晨征候店雞却愁孤錫返草暗竹房西

歲晚二首

蘭若依城市蕭條門巷深夜闌春漏斷窗近曉寒侵書
幌無燈火禪堂有磬音幾番清梵罷紅日上遙林

陋巷寡輪鞅開門對翠屏冰銷春水綠雲盡晚山青嫋
嫋來孤遂熒熒見小星亂鴉栖已定猶自步閒庭

蟋蟀

西風吹蟋蟀切切動哀音
易入愁人耳難驚懶婦心
寒燈孤館外秋雨古城陰
聽極無由寐終宵費苦吟

宿山寺次韻子封先生

暝投雲際寺深殿一燈微
海底月已出山中僧未歸
澗聲經雨急林影入秋稀
明發尋征道還愁露濕衣

寄友生

分違若未久相憶似多時
後會將何日重來預作期
夕風翻急浪寒月墮高枝
寄語同人說詩翁鬢已絲

晚望懷巖栖翁

晚望荒臺上，孤筇手自持。
柳條擎雪重，溪鳥遡風遲。
枯草春還發，陰雲凍不移。
何當高世者，來此共題詩。

次韻予封先生答山中僧

名山不肯住，自欲老深雲。
鑿翠通虛牖，鋤荒出壞墳。
花開留客醉，果熟與猿分。
更莫逃幽隱，音書難重聞。

寄中峯長老

中峯峯頂寺，長憶舊遊時。
雲暝鶴歸急，山深月到遲。
亂

藤縣雨僻壞帛挂風枝終亦攜瓶錫相從支遁師

寺晉支遁

禪師
道場

賈葉

霜後色初變風高始亂零和雲流遠澗雜雨下空庭埽
處兼僧影燒時帶鶴翎翻思在春日繞屋政青青

送中上人歸里

相留已無計欲別手重攜客路連愁遠鄉山入望低野
花秋寂歷江草晚淒迷舊隱重歸日寒螢夜夜啼

秋夜獨坐

解帶坐盤石，翛然四體輕。
夜涼蛩語細，天淨月華清。
孤燭明深殿，哀笳起廢城。
寥寥塵境外，誰識此時情。

次韻登石城

振策登危堞，東風鴈北歸。
清江愁外濶，遠樹望中微。
草色和煙重，鶯聲帶雨稀。
緬懷千古事，客淚墮麻衣。

寄宋子虛

儒釋門雖異，詩書味頗同。
有心依澗壑，無意謁王公。
午

鼎篆煙碧夜燈花穗紅曾聞少年日幾度過遼東

嘉定顯慶寺

艤櫂逢精舍松扉晝不扃莫雲兼雨黑寒樹帶煙青鳥
散庭還靜龍歸水自靈徘徊未能去石塔語風鈴

餘生

短鬢霜侵久餘生懶問交愛閒忘俯仰養靜倦推敲花
露縣蛛網芹泥落燕巢有時幽興劇扶杖出衡茆

秋懷四首

涼風動寥廓庭下草初黃病骨知寒早愁懷覺夜長孤
城淹歲月重露迫衣裳黑髮渾無幾尤宜事退藏
砌冷候蟲急燈昏幽夢長秋風吹草木天氣入淒涼門
掩荒城月鴉啼古堞霜無成今白首身世轉堪傷

礪曲獨盤旋人間事屢遷艱難銷壯志衰朽惜殘年世
有還珠浦生無種玉田歸來華表鶴亦勸學金仙

抱景坐虛室翛然誰與同像金輝夕燭欄鐵響天風汎
大潮應滿林深葉未空江南秋欲老腸斷北來鴻

錢唐感舊

江山王氣終江水自流東
鐘鼓傳新寺煙花失故宮
龍亡靈沼竭鳳去寢園空
殘月西風夜無人倚井桐

陪山村先生白提舉宅清集

展席當清晝凭軒野思饒
苔隨屐齒陷雪入酒杯消
看竹鶴先舞彈琴梅自飈
風流餘二老相對話前朝

盆竹

瓦缶不多土娟娟枝葉蕃
豈知么鳳尾元是古龍孫
蒼

雪灑禪榻細香浮酒尊王猷來此見應亦為銷魂

舟次吳江

客路渺無際崎嶇何日平積煙迷遠樹殘照下荒城水
宿先歸港朝行暗計程長橋知漸近笳鼓隔林鳴

寶帶橋

運得他山石還將石作梁直從隄上去橫跨水中央白
鷺下秋色蒼龍浮夕陽濤聲當夜起併入榜歌長

雲屋詩極多秀句五言如古澗流寒碧幽花蘂晚紅
雨聲寒繞樹野色靜連山林靜鳥窺室泉清魚辟人

倚松山衲濕洗藥野泉香樹枯生意靜僧老道心多
城鴉歸晚色庭樹入秋風片月生松頂孤泉出石根
七言如野岸曉煙添柳色敗垣春雨長苔衣幽鳥帶
雲歸樹宿清鐘和月出樓鳴木葉暗隨鄰杵落草蟲
寒並夜牀吟白鳥不知吳苑廢青山曾見越兵來江
郭雨昏山色古柳橋風暖鳥聲春其論詩云典雅始
成唐句法粗豪終有宋人風知其格調有自來也

蒲室禪師大訖

大訖字笑隱南昌陳氏子家世業儒去而學佛
得法於晦機熙公卓錫杭之鳳山遷中天竺文
宗自金陵入正大統命以潛邸之舊為龍翔集

慶寺召訢於杭州授太中大夫主寺事設官隸
之闕

所著有蒲室集十五卷虞邵庵序之
謂訢公以說法之餘事為文莫之能禦吸江海
於硯席肆風雲於筆端一坐十年以應四方來
者之求殆無虛日鏗宏軒昂感厲奮激老於文
者不能過也歐陽圭齋之序蒲庵復公也亦曰
由唐至宋大覺璉公明教嵩公覺範洪公以雄

詞妙論大弘其道於江海之間一時老師宿儒
莫不斂衽歎服皇元開國若天隱至公晦機熙
公倡斯文於東南一洗咸淳之陋趙孟頫袁桷
諸先輩委心而納交焉晦機之徒笑隱訢公尤
為雄傑其文太史虞集嘗序之矣訢公既寂叢
林莫不為斯文之慨豫章見心復公以敏悟之
資發為辭章遡而上之卓然並驅於嵩璉諸師
無愧也圭齋次論諸禪老之文最為明悉而推

重訢公如此明洪武初復公與蒲室之徒全室
泐公同以高僧見召已見於列朝詩集故不具

載

期石室不至

風水不可期知君定來否何處唱歌聲月明大谿口

送暉東陽往江西省佛智師

故家西江上遊子未成歸而我豈不懷所慚志多違十
五知好道從師別庭闈竭來苔上寺遭時蹈危機秋風

走淮甸晏歲東海涯交情無厚親面諾心已非感子始
終意見我無瑕疵愛惡有妍醜人孰不自知目覩凌雲
質自足為我規況同早入室甚知多令儀前年黨禍作
衆潰如星馳老師卧一室四海浮雲悲我時闕服役賴
子能扶持子去我始至曾不慰渴饑遂令八十翁落日
鄉土思別來鞠再華田圃霜露滋窮檐白日晚苦心徒
爾疲感激子遂行信有天下奇草堂白頭親有弟供甘
肥敢忘師道尊恩義無或虧意氣重然諾為道況孜孜

神機不停佇天馬脫羈羈能不念離索潦倒成荒嬉尺
書豈無郵問謁多愧辭我有心與目孰不為鳶鵠母老
家亦殫弟妹貧賤離長絕伯父恩骨朽葬無資天誅不
可逭何用涕交頤因子感我私聽歌行步遲誓言如白
水我歸豈無期

梁楷田樂圖

作勞田中歸酒味薄可漉人生一醉飽良不負吾腹牽
攜影參差歌吹非有曲流風一胥靡此樂不可復吾人

孰非古亦有心與目封倫恨不留重覩貞觀俗昔在唐
虞世苗民有不服地堯知良農畜瘠求善牧願持畫史
心獻君比和玉朝來愧斯圖惻愴意未足

顏暉貊

峽冬拖長冰崖滑如積鐵客子涕縱橫悲貊助嗚咽仰
視浮雲崩再聽蒼石裂不畏行路難但感芳年歇

索士巖都事赴淞東僉憲以疾不能送作詩寄

別

絕筆

鯤鵬雖鉅物為瑞不如鳳五金利而堅良玉世所重古
來德輔時不必趨俗用公德配古人文藝復掩衆前驅
失班揚後顧無屈宋譬之武事嚴萬甲卷轂雍往年試
春闈對策天威動烈風挾長波電影掠飛鞚稱此衣繡
榮人品賴甄綜任衆難獨專棖桷雜楹棟分憲得問俗
施惠徵前痛積水散鳧鷖良疇沒菰葑飛章擇守令邦
賦足輸貢懷德民不欺率教童知誦平生許經濟無由
預賓從方外亦何有天地一空洞所慙世網嬰不虞禍

機中車債長途暮舟膠哀壑凍甘澤被污萊巨照燭昏
普乞退悔苦晚誰無鉢飯供願從金華山芋區荒可種
更憐蘇長公忍別阻阻追送短歌愧知己空懷好音嘒

月支王頭飲器歌

呼韓款塞稱藩臣已知絕漠無王庭馳突猶誇漢使者
縱馬夜出居延城我有飲器非飲酒開函視之萬鬼走
世世無忘冒頓功月支強王頭在手帳下朔風吹酒寒
凝酥點雪紅爛斑想見長纓繫馬上髑髏濺血如奔湍

手麾欲回斗杓轉河決崑崙注尊滿酒酣劍吼浮雲悲
使者辭歡歸就館古稱尊俎備獻酬孰知盟誓生戈矛
斬取樓蘭縣漢闕功臣猶數義陽侯

曹娥江讀碑圖

海門五月潮如山龍伯罌負蒼蛟頑越俗輕生好巫鬼
婆娑踏舞洪濤間羣巫姣服盱獨好歌聲忽絕紅旗倒
孝娥死抱父屍出天地無情日杲杲雄詞不愧邯鄲兒
萬金莫購中郎題碑陰八字非隱語德祖有智如滑稽

豈是阿瞞不解此感媿上馬歸路迷女德猶能奮其節
壯夫氣吐萬丈霓奸雄復欲欺後世白頭猶愛漢征西
丹青似是董狐筆千年要與竹帛齊娥江新廟照江水
可憐銅爵草萋萋

太白觀瀑布圖

我本白雲人見山每回首披圖得松泉感我塵埃久我
家只在九江口從此扁舟到牛斗翻愁天上銀濤堆石
轉雲崩萬雷吼水行地底不上天龍泓豈與滄溟連風

葉無聲飛鳥絕月光雲影天茫然丈人何來自空谷謫
仙招隱當不辱林梢哨雪舞飛華尚想隨風唾珠玉馬
首青山如喚人歸來好及松華春泉香入新釀解公頭上
巾今者孰不樂荒墳委荆榛遂令畫師意萬古留酸辛
酸辛復何益東海飛紅塵

駿馬圖

世無伯樂亦久矣駿馬何由千里至披圖猶似得權奇
豈伊畫師知馬意何人致此鐵色驪旋毛繞腹新鑿蹄

帝閑遠謫天馬下馳來月窟浮雲低古王有土數千里
八極周遊寧用爾方今萬國效奔命合遣龍媒獻天子
飈馳電沒爭辟易萬里所向無前敵男兒馬上定乾坤
腐儒詩書果何益幾愁骨折青海煙黃沙野雪穹廬前
幸逢好事寫真傳似向長鳴誰與憐嗟我身如倦飛鳥
十年繭足愁山川安得千金購神駿攬轡欲盡東南天
初發金陵夜泊龍灣寄茅山道士李方外

人生不必行萬里亦不願讀萬卷書願為茅山十日客

山僧坐列羣仙圖大風揚旗出天闕小峯萬馬爭奔趨
俄頃波濤忽破碎木末飛上金畢逋青書畫馳壇室靜
玉鞭夜擊聞傳呼去年獨宿丹井下天風拂地迎麻姑
今年許入玉柱洞誰遣旅食隨檣烏懷人弔古夜寂寞
寒江落月號猩鼯祖龍埋金王氣歇梁宮晉苑沈煙蕪
想見雲龍映朝日山中宰相良非迂

會曹伯珪

故人乍見如生面良久熟視仍驚呼六年怪我憂患餘

不應豐美如瓠壺煖湯濯足數座坐呼童爨玉羹土酥
攜過雙林謁大士天華吹墮紅氍毹斷穗清霜農圃淨
寒鴉落木漁村孤從遊復恨冬日短張燈待月松堂虛
淵明不入惠遠社杜子頗是贊公徒彼皆艱難因生理
好事豈有此樂且曹君曹君慎勿疎他年念我專壑居
夜來竒夢果有徵乘風萬里雲龍趨

送張清夫

并序

清夫吳江人為其友袁通甫收遺文來錢唐作

歌送別

袁子平生妙斲輪未必俱化隨埃塵十年讀詩不相識
斯文義與骨肉親徧搜遺藁走江城吳人往往未知名
錢唐晚值張公子為我開篋金石鳴昌歌尚須論所好
惜哉已往空戀嫖況有張公德業崇訢也敢不攄懷抱
去年湖陰三日雨饑吟待旦聽五鼓風水愁催畫鷁飛
松杉喜作龍蚪舞別後寄書能幾回塞裳有約今雨來
高歌擊節孰不樂空山井塌生秋苔王門曳裾三十載

只令鬢影霜皚皚風流何止一丘壑置之熒熒黃金臺

曹伯珪築室曰桂齋戲作俳偕體

阿仙騎蟾白銀闕醉折秋華餐玉屑霓裳曲散墮清塵
涼夜素娥悲白髮玉輪碾香空翠寒流光萬里君合歡
大星漸低海色白高齋翠影空團團萬卷芳心期厚地
憔悴秋香忍相棄百年若使富貴羈淮南小山歸不歸
送趙公子去疾侍平章魯公歸蜀

所羨還鄉樂茲行得視親魯公黃閣舊宣詔紫泥新給

傳舟車備承筐玉幣陳會靈奔岳瀆移次動星辰父老
懷遺愛朝廷眷大臣百年輕重計一舸去留身子職共
承重親知囑諭諄行庖供膳早張燕進觴頻寶瑟調銀
甲琬盤繪玉鱗雲林還弔古風物獨傷神地勢金城壯
山光錦浪勻江喧初上峽樹遠欲通秦牛女天河夜魚
龍野水春豐碑臨罍負高冢撫麒麟側聽歌淇澳猶聞
起渭濱上尊羅甲帳仙仗擁蒲輪朽櫟依瓊樹飛華戀
錦茵峨眉尋舊約谷口卜芳鄰願結香山社終陪綠野

賓相期無遠別萬里月隨人

次韻張夢臣侍御遊蔣山五十韻

勝遊還送客秋日淨郊原別酒歡逾洽行廚禮不煩
楓林生晚吹鞠沼媚晨暾滿座金貂貴斯人玉雪溫
絲綸承異渥黼黻進嘉言宥密皇猷重才華大雅
簪挂玉前席錦為墩接武夔龍地冥懷鴈鷺村外臺分重
寄南服占名藩登麥初橫榻迎春及賜禧馮高荒墳沒
弔古斷碑昏種竹期招鳳尋僧共聽猿洞呀獐蟒化海

立怒鵬騫珠鈿沈胥井金鋪委壞垣國初遺老在江表
故家蕃及物多膏澤為邦固本根化行民自信身退道
彌尊美俗時丕變吾人溺可援山川還寂寞歲月去翩
翻廢館弦聲絕虛龕繪像存苔斑饑鼠走梅卧野蜂屯
除道看驄馬來儀集采鸞傳呼驚鹿挺笑語答江喧撫
跡多遺恨懷人欲斷魂馭風寧有待斲聖妙無痕師表
儒林盛賢勞王事敦不求金躍冶但愛土為墳陳寶徒
祠雉桓溫苦化黿青山隨地好朱實著霜繁克味和椒

桂同馨佩並蓀衡廬肩可拍參井手先捫說劍雙龍吼
揮毫萬馬奔築臺先自隗學圃恥如樊破衲多年冷窮
檐傍午暄不才甘朽櫟何幸枉高軒蕪穢煩芟荆泥塗
賴力掀班揚鋒遠避屈賈氣還吞舉世懷燕石惟吾重
魯璠三光開渾沌萬派出崑崙喜接東山屐叨陪北海
樽辱知榮篚帛懷德報壺殮多稼欣逢歲嘉蔬更滿園
雲霄翔鶴鶴溟渤偃鯨鯢寒士勤嘘拂諸生淑討論望
塵趨末路立雪候重閭緣忝三生舊心冥萬化元棠陰

思召伯柳色憶王孫精衛慚填海神鰲力負坤他時愁
遠別此意竟難諉嵩華相從去重窺玉女盆

述懷送觀空海歸臨川七十韻

幼慕空門貴高蹤世可遺功名輕閱閱塵土豈磷磳澄
觀難居俗湯休不廢詩三生猶有習四海豈無師身去
江湖遠山空雷雨垂諸方驚老宿同舍走羣兒素昧平
生願居然會面期解牛須肯綮相馬必權奇壯業期軒
輊新功日倍徙氣豪空虎穴戰勝失魚麗五載靈谿寺

千章白雪詞清遊忘旦暮物論不瑕疵奎畫前朝秘清
霜古佛規巖空孤有塔山古寺無基松燎供宵讀芹香
助午炊凍泥蛙似蟹春雨茵如芝遠客愁獷狽村童抱
鹿麀雲巖吳猛廟雷護柳公碑物色分難數雄材應接
疲願終盤谷隱恥事北山移未覺歡娛盡深蒙造物私
寒巖徒刻畫元氣忽淋漓共喜師門盛何嗟友道睽清
山吳甸沒白水楚天涯落日三年望浮雲兩地思驛書
勞白鴈貞信卜玄龜果爾期雞黍同心感鐵鉉羣公來

雜還餘子去委蛇風日矜神駿雲霄刷羽儀古今存道
統師友得綱維今代誰潛子宗門一器之聯芳端不忝
清要合如斯自許奔流象何知測海蠡芟夷開樸櫟洗
滌脫瘡痍弔古多閒暇登臨甚怛怩山河秦百二宮闕
漢采愚黃壤侵銅狄春風動兔葵林蘇俱異物標畫不
同時志大交難合歌長聲愈悲近人山擁座照席月臨
池正擬追金玉方將脫帛羈不才還涉世中道遂分歧
相失嗟狼狽無謀哂鷓鴣交情淡於水真味美如飴衣

綻寒分絮囊空遠貸貲鵠原兄弟急犴獄簡書疑仁者
應無敵將軍自數竒波濤孤梗汎風雨一巢危亡命憐
張儉逃生愧范曄百年俱繾綣千里許馳驅誓欲同生
死那能顧渴饑推恩豈望報菲德竟何為吾道縣孤注
叢林失一夔老師甘屏棄弟子頌期頤逝水歸東壑流
光及崦嵫空餘匠石斲誰善宰夫脔行獨招羣忌名高
得謗隨長鳴悲病鶴老氣卧孤羆入室猶橫榻承顏或
奉匝樓孤金驛遠河直玉繩敲未厭從師樂其如念母

慈江雲連穠稔山雪濕茅茨短世驚炊黍成功付覆碁
何魯犀首貴空作虎頭癡白日真成去青春有別離風
煙辭北固江漢抱南箕浪穩饒蛟睡天長白鳥遲鄉關
迷遠近雲樹暗參差幸喜收蠻獠於今靜鼓鼙詩成須
數寄清響播塤箎

送何彥敬赴山東憲幕

風物中州美人林聖代優恢恢光岳合肅肅羽儀修省
署千官盛臺綱衆目收諸公多汲黯文掾獨何休健筆

回天險精機洞鬼幽霆奔羣蟄奮鰲負五山浮責已常
存恕知人庶寡尤平生周禮樂後世魯春秋西極銷鋒
鏑坤維得綴旒元功推衛霍首罪竄共兇陳寶無祠雉
桃林已放牛九天行日月一命重山丘幕府非閒散山
東且勝遊飈車馳羽檄霜刃避吳鉤白下諸侯酒淮南
使者舟風清梢退鷁月冷動潛蚪歷數無雙士誰為第
一流託交慚素昧道術得相求塵土縑衣浣山林白髮
羞送君因有感莫色起滄洲

佛智師歸仰山

蚤發扶輿拜鐙明
愛白頭故鄉元自好
遊子獨淹留壯業真何用
孤懷未忍休始終存衆望不敢畏離憂

送張用鼎遊燕南

天上知名久由來漢客星
江湖歌白雪風露滿青冥
巴蜀須傳檄燕山待勒銘
壯夫期遠大不獨抱遺經

次韻甯宣尉

將門三葉貴古劍削霜刃
霧卷烏蠻淨風生碧海清
投

壺驚甲帳飛墨動雲屏未愜清遊興松房聽雨聲

送別

沙鳥高低語江雲斷續飛青山攜手別秋日故人稀落
落芳心在悠悠昨夢非歌長不用續鯨浪暗吹衣

庚午秋過淮安

百感何嗟及行人過楚州笛聲今夜月雲物向時秋古
驛依城住長河傍海流天王南狩日曾此駐鳴騶

過淮河口

水次千家市蠻商聚百艘揚徐元接壤河泗此交流乘
傳陪天使浮杯任海漚夜涼瞻斗柄想見上林秋

送薩天錫照磨赴燕南憲幕

蕭寺留詩別高懷不負公江聲元自急山勢古來雄下
榻疎鐘雨登臺落木風重來無幾日除道避乘驄

楊執中幼與予同舍自予去鄉里一別四十五年
矣乍見俱不相識承惠詩二首次韻謝之

勛業雙蓬鬢江湖萬里心扣舷山月近敲枕夜濤深多

士懷東觀何人賦上林只將絃上趣白雪寫遺音

青衿巷南北雞犬識比鄰驟面初疑夢論交晚覺親文章元有命耕釣豈無人老矣非吾願滄洲合問津

次韻奉答吳可堂左丞致寓九江見貽

晚節陶元亮平生賀季真雞豚栗里社賓客午橋春風物三生夢功名百歲身種蓮毋負約金地不生塵

萬歲山

蜿蜒金翠倚青冥虛谷時傳萬歲聲葆羽毳旃雲氣濕

玉龍鱗甲夜寒生
關河拱挹皇居壯
宮殿深嚴聖慮清
自愧山林麋鹿性
也隨鵲鷺到承明

黃河阻風

九域重尋禹蹟荒
喜聽縣水夜浪浪
中原迤邐河流壯
元氣汪洋地脈長
萬里風雲來黠澹
五更星斗下光芒
我行不有神靈助
風送天香自帝傍

高彥敬尚書墨竹

西域高侯自愛山
此君冰雪故相看
蒼梧帝子秋風淚

翠袖佳人日莫寒妙處寧論鐵鉤鎖深情莫報翠琅玕
誅茅何處陰厓底靜看梢頭玉露漙

送郭幹卿學士赴奎章閣次趙魯公韻二首

歲晏俄聞上國行安車可是莫年情早朝翠霧霑衣濕
夜直銀河入坐清社稷憂勤霜鬢短江湖歸夢釣絲輕
相攜不盡丁寧語歌斷驪駒白下城

短褐寧陪衣繡行相忘道術愧深情光分玉樹精神合
氣肅金盤沆瀣清孤鳳遠歸阿閣晚六鼇浮去五山輕

微踪亦與扁舟約煙水南詢第幾城

次韻王繼學侍御金陵雜詠十首

六錄

新到建業

江表風流辱寵臨青山無恙只如今高陵雲合遺金化
秋浦涼生古玉沈吏散圖書齋閣靜公餘女樂後堂深
題詩石壁山靈護莫遣春風薜荔侵

東窗看山

微茫翠浪瀉青瑤木末斜分鳥道遙雲斂江亭初過雨

月明津樹欲生潮
崖根橘柚知誰種
礧曲茅茨許共樵
不羨東山攜妓看
堆盤鱠玉映紅消

忠勤樓

自負東南一劍橫
故膺宸翰錫嘉名
帛書峴首愁歸鴈
鼙鼓江心吼怒鯨
落木藁祠孤淚墮
西風長笛壯心驚
奸雄欺國真兒戲
只比藏鉤漫鬪羸

獨坐君子堂

繼學嘗師鄧善之
鄧綿州人也

海上歸來鬢未霜
登臨應不愧斯堂
風生葆羽迎仙蓋

華散甞能供佛香江上蘼蕪隨意綠雨中新樹過人闌
綿州學士深埋玉淚濕遺編可得忘

賞心亭

碌碌從人媿抱關賞心應共鶴飛還孤舟野水東西渡
落日長淮遠近山神鼓乍喧香霧合賓筵初散綠陰間
相思只尺長相隔一似河流九曲灣

潛宮

御榻當年小殿西龍光照地起虹霓蓬萊珠館珊瑚樹

夜月瑤臺白玉梯
甲帳列營環衛密
龜茲按拍蹋歌齊
代來故事憑誰紀
只有年年杜宇啼

次韻馬昂夫總管飲仙橋詩

鐵鎖高懸隔杳冥
仙橋有路上瑤京
夜涼暗覺潛蛟動
曉色微看素練平
坤極尚遺神禹力
山靈空識祖龍名
爛柯舊事憑誰問
石柱題詩薜荔生

次韻吳閒閒宗師贈茅山徐真人

當年野服漫朝天
不羨稽山賀老船
翠蜃夜蟠金井月

采鸞朝下玉爐煙，俄聞剗燒嗟灰墨。還見宮城慶醴泉。
莫道仙人無白髮，步虛聲裏又年年。

次韻薩天錫臺郎賦三益堂芙蓉

華開未覺早霜殘，留伴仙人酒半闌。翡翠巢空秋浦淨，
落霞飛盡暮江寒。玉真對月啼雙頰，楚袖迎風舞七盤。
持向毘耶聽說法，病翁元作色空看。

次韻王伯循僉事將上江東留別

江南江北白雲秋，隨分高情且宦遊。醉著鸞旂歸月下，

夢披葭葦釣槎頭先生玉宇秋先見氣肅銀河夜不收
明月繡衣終遠別看山不盡更登樓

謝郭道淵以詩慶住新寺

住近城南尺五天眼看金屋會羣仙雲霞海上無三島
風月人間即四禪父老多情思沛邑從官有意賦甘泉
恩波不獨新蘭若麟鳳呈祥五百年

次韻答曹德昭臺郎見寄

華壓雕闌護玉墀光涵珠網耀摩尼室空誰問維摩病

才絕徒憐顧愷癡塵土汚人思自奮雲霄舉翮欲何之
期君臺閣鵷鸞集濯濯清風慰所知

仲實復和見貽勉答

佛國親登七寶墀見超無見總持尼情塵空盡還同俗
結習都忘不斷癡東嶺雲歸招共宿北山鶴怨任他之
吾徒未識毘耶老衣染天華不自知

米元暉江山秋晚圖

紅樹宜秋晚澄江媚落暉扁舟如喚我莫待白頭歸

畫牛

草煖犢子肥牧閒牛耳濕誰知荷蓑翁風雨租稅急

次韻答石室元晦二首

不審往來相熟未青衣迎棹慣看人糗糒分向家家似
著蘋炊香頓頓新

貝闕羣仙羅玉質也知天上足金銀深慙造物相料理
巖穴偏宜槁木身

次韻答熊以善秀才

陞堂齊赴鼓隆隆獨著儒衣謁嬾融也勝朝回隨鴈起
西風千騎過雲中

古廟折碑圖

古廟殘碑野水村行人回首暗消魂遙天何許孤雲沒
不盡青山萬馬奔

虞伯生學士以五詩贈一上人蒙見及一公將歸
蜀謁趙魯公次韻二首

醉罷蒲陶金巨羅散華方丈寫伽陀扁舟許我從公去

浩蕩江漚萬里波

魯國數年書疏斷每思高會聽雲和別時有約終相覓
綿竹江頭雨一蓑

舟至通州夜雨大作

明日京華拂面塵穹廬如雪馬如雲雨聲未忍孤蓬別
故遣蕭蕭枕上聞

次韻送寥天與

楚江送客暮帆開眼底何人識異材後夜月明朝又滿



青山空繞雨華臺

孤嶼圖為鴈山德長老題

澹煙疎樹月朦朧
路隔寒潮斷復通
添箇茅菴分我住
明年飛錫海門東

秋夜同太原張翥仲舉永嘉李孝光季和龍翔寺

聯句

先皇日潛邸梵宮冠東南
金碧麗紺宇翥旗幢覆瓊楹

六龍駐神馭光百靈護鸞駟
地蟠龍虎氣訢殿擁貂蟬

簪文石露篆古

翦

化城天樂酣杏梁虹飲渚

光

辟甃蟾

生潭複道星辰直

訢

觚稜煙霧含浮圖琅璫語

翦

藻井

呆愚罔曾暉搜鐵鳳

光

清旭眩冰蠶望氣芒碭遠

訢

問

道崆峒堪御牀塵宛宛

翦

仙仗華毵毵珠襦鑠玉柙

光

猊座涌寶龕遺弓泣父老

訢

執豆奔侯男衣冠闕原廟

翦

矛戟園精藍憑几馭末訓

光

銘鼎紀玄譚聖祚萬世

啟

訢

法筵諸佛參貝翻譯經六

翦

圖繪笑像三華鬘衆

唄作

光

象教一嘿諳猿鶴驚此客

訢

林磴洗餘慚齋厨

飯香靄

蕭

煢閣鍾聲鶻錦薦渴獸挾

光

礎踞雕虎耽洒

掃愧無補

訢

倡酬知匪堪燥吻茗屢沃

蕭

苦心策頻探

焚膏續迅晷

光

卷簾納霏嵐翫觥月采淨

訢

鑿落雲液

甘風籟樅古柏

蕭

秋陰挾高栢戶牖蜂脾蠹

光

丹青海

波涵社中合陶謝

訢

方外師瞿聃息影了虛寂

蕭

栖禪

屏癡貪苾芻交析聖

光

伊蒲不盈甌心同畧形跡

訢

累

遣忘憂悵錦雉絡扇羽

蕭

赤螭銜劍鐔貌豪走罌負

光

塵尾揮盤髮堅壘避屈賈

訢

陋邦敵吳郊韻劇魔膽落

句雄神力擔擁鼻極營度蕭刺手勞鈎櫟械簫遞銀鹿

蠹葉剔白蟬幢銍粟蠢蠢光鼎香穗醺醺山河入帝網

天人繞優曇訢境勝情自曠理超思彌覃光雲臥委巾

烏雨歸借復籃蕭報章媿木李留帖踰黃柑訢話言諒


所慕沾醉詎可妯光捧席白足慧蕭觸屏蒼頭憨訢偏

袒嚴肩聳光鏤匡鑠耳儋蕭吾我涉誕謾訢爾汝志詰

誦蕭鐻發栗穰厚色滷醪味醺光剪韭差可芼食魚更

須泔蕭青谿渙以瀏蔣陵間其甜訢茲事付千載相期

結廬菴蕭



元詩選初集卷六十七